

KIAHO‘OMANA‘O KAI AUPUNI ‘O PAPAĤANAUMOKUĀKEA

Kahi e Lōkahi ai ke Ao Kūlohelohe me ka Mo‘omeheu

KE KUMU I KŪ KAHĪ AI

Aia ‘o Papahānaumokuākea i waena o ka Pākīpika ‘Ākau, ma kahi o ka 3,000 mile mai ka ‘āinapuni‘ole kokoke loa, ‘o ia ka pae moku kū ka‘awale loa o ka honua nei. Ma muli o ia kū ka‘awale loa ‘ana i liliuwee ai nā meakanu a me nā holoholona kū kahi he nui. Ua nui nā lāhulu ‘āpa‘akuma o Hawai‘i nei i loko o ke Kīaho‘omana‘o, ‘a‘ohe ona like ma kekahi ‘āina. Ua nui nō ho‘i nā kahua mo‘omeheu kahiko a me nā moku piholo a hō‘ailona ‘āina kahiko.



Na Greg McFall/NOAA ke ki‘i

‘ĀINA MOMONA

Ma ke kuana‘ike Hawai‘i, he wahi la‘a ‘o Papahānaumokuākea, he hō‘ailona ho‘i o ke kāmāu ‘ana o ke kumu honua ‘ana no laila mai ke ola a i laila ho‘i e ho‘i ai ka ‘uhane ma hope o ka make ‘ana. Mana‘o nā loea mo‘omeheu Hawai‘i o kēia manawa ‘o Papahānaumokuākea kekahi o nā ‘āina momona hope loa o Hawai‘i nei - he kumu e ulu ai ka ‘ike a me ka pili ‘uhane, he wahi ho‘i e ho‘oikaika ai kānaka i nā pilina kū‘auhau me nā kūpuna a me nā akua i ke ao kūlohelohe. I la‘ana, ‘o ke kai moana nui a me ka nui o kona mau mea ola, ‘o nā kino ia o ke akua ‘o Kanaloa. ‘Ānō iho nei, ma muli o ka makemake o kekahi po‘e Hawai‘i e ho‘omau i nā ‘ike ku‘una a me nā hana kahiko, ua huaka‘i i Papahānaumokuākea no ka ho‘ohanohano ‘ana i nā kūpuna.



Na Ryan Tabata/NOAA ke ki‘i

NĀ PU‘U MAKE

‘O nā pu‘u make ko‘iko‘i loa e ‘ike ‘ia nei i ko ke Kīaho‘omana‘o kaianoho a holoholona lōhiu, na nā hana ia a kānaka ma ‘ō aku o kona mau palena. ‘O kekahi mau pu‘u make nui ‘o ia nā lāhulu no waho mai, nā ‘ōpala kai, a me ka hopena o ka loli aniau o ke ao, e la‘a me ka hākeakea ‘ana o ka ‘āko‘ako‘a, ka pi‘i ‘ana o ka ‘ili kai, a me ka ‘akika ‘ana o ke kai.

Ma muli o ke komo ‘ana o nā lāhulu no waho mai -- he mau mea ola malihini i lawe ‘ia mai nā ‘āina ‘ē mai -- ua pau kekahi mau lāhulu ‘āina, a mau nō ka ‘ike ‘ana o kekahi mau holoholona lōhiu i ka pu‘u make.

I kēlā me kēia makahiki, ua ‘oi i ke 50 kana ‘ōpala kai no waho mai e lana hele i ke Kīaho‘omana‘o. Pae nā ‘ano mea ‘ea like ‘ole a pau i nā kahakai a ‘ai pinepine ‘ia e nā holoholona lōhiu. Kuakuai nā ‘upena lalau i ka ‘āko‘ako‘a pā wale a kāhihi i nā mea ola kai.

Ma muli o ka loli aniau, hākeakea mai ka ‘āko‘ako‘a e lilo ai ka ‘āpapa ola ehuehu ma mua he wahi ‘ōlohelohe i uhi ‘ia i ka limu. Ma muli o ka pi‘i ‘ana a‘e o ka ‘ili kai, ke ‘ike nei nā honu, nā manu kai, a me nā ‘liloholoikauaua i ka pu‘u make o ko lākou mau wahi e hānau keiki ai.

Ma ka nui ‘ana a‘e o ka makakau a me ka loli ‘ana o nā hana a kānaka me nā pā‘oihana e kanāho ai ko ke Kīaho‘omana‘o me ko ka honua nei a puni.

HE ‘IKE LIHI I KA WĀ I HALA

Ua māka‘ika‘i pinepine ‘ia ‘o Papahānaumokuākea e nā holo kai Hawai‘i he mau kenekulia ma mua o ka hiki ‘ana mai o ka po‘e ‘Eulopa mua loa. Ua ho‘omana‘o ‘ia kēia mau huaka‘i holo kai ma nā mo‘olelo he nui i ili mai ma nā hanauna a palapala ‘ia ho‘i ma nā nūpepa ‘ōlelo Hawai‘i o nā makahiki 1800 a 1900. Hō‘ike pū mai ka noi‘ina hulikoehana i ka ho‘ohana nui ‘ia o Nihoa a me Mokumanamana -- nā moku pili loa i nā mokupuni nui o ka hema -- no nā hana ‘ōiwi mai nā makahiki 1300 a hiki i ka wā i hala iho nei. Ma nā makahiki 1800, ua pi‘i ka nui o ke kālepa kau‘āina a me ka hana ‘ino ‘ia o nā kumuwaiwai. Ua luku nā kānaka ‘eli kūkae manu i nā kaiaola uea puni honua. Ma hope mai, ua lilo ‘o Pihemanu he ho‘olulu ‘a‘ehi Pākīpika no nā mokulele Pan American a, i kēia manawa, he ala ku‘u mokulele pōuliā no nā mokulele ‘a‘ehi Pākīpika. ‘O Pihemanu, i kapa ‘ia mai nei ‘o ia ke Kīaho‘omana‘o Aupuni no ka Paio ma Pihemanu, ‘o ia pū kahi o ka paio ko‘iko‘i loa o ke Kaua Honua ‘Elua ma ka Pākīpika nāna i kōkua i ke eo ‘ana o nā Hoa ‘Āina Kāko‘o.



Na Dan Clark/USFWS ke ki‘i



Na Brad Wong/OHA ke ki‘i

HE MŌ‘AUKALA O KA HO‘OMALU

He mau haneli makahiki, ua mana‘o nā ‘Ōiwi Hawai‘i he ‘āina akua ia, a ua like ia ho‘ānoano ‘ana me ka ho‘omalū kūhelu ‘ana. Eia nō na‘e, ma nā makahiki ho‘okahi haneli i hala iho nei, e ‘oi mālie a‘e ana ka ho‘omalū ‘ana o ke aupuni pekela me ka moku‘āina, mai ka makahiki 1903 i ho‘ouna ‘ia ai nā Koa Moana o ‘Amelika e ho‘ōki i ka luku ‘ana i nā manu kai o Pihemanu no ko lākou hulu me ka hua. Mai ia wā mai, e nui a‘e ana ka ho‘omalū ‘ana, pau pū me ka ho‘okumu ‘ia ‘ana o ka ‘Āina Ho‘omalū Holoholona Lōhiu o Hawai‘i, ka Wahi Kanāho Holoholona Lōhiu o ka Moku Kua‘au ‘o Mokupāpapa (Kure), ka ‘Āina Ho‘omalū Kaiaola ‘Āpapa o Papahānaumokuākea, ka ‘Āina Ho‘omalū Kai Moku‘āina ‘o Papahānaumokuākea, ka ‘Āina Ho‘omalū Holoholona Lōhiu Aupuni ‘o ka Moku Kua‘au ‘o Pihemanu, a me ke Kīaho‘omana‘o Aupuni ‘o ka Paio ma Pihemanu. Ma nā ho‘omalū kau‘āina, helu ‘ia he Wahi Kai Pā Wale i ka makahiki 2008, a helu pū ‘ia i ka makahiki 2010 ‘o ia ka mua o ko ‘Amelika Wahi Ho‘oilina Honua UNESCO hui ‘ia (kūlohelohe me ka mo‘omeheu).

NO KE KIAHO‘OMANA‘O

‘O ke Kīaho‘omana‘o Kai Aupuni ‘o Papahānaumokuākea kekahi o nā wahi maluō nui loa o ke ao i ho‘opalekana piha ‘ia. He 582,578 ona mile kua (1,508,870 kilomika kua) ma ka Moana Pākīpika -- ua ‘ane‘ane e like ka nui me ko ke Kai Kū‘ono o Mekiko!

Ua ho‘okumu mua ‘ia ke Kīaho‘omana‘o no ka ho‘omalū ‘ana i nā kumuwaiwai kūlohelohe a mo‘omeheu kamaha‘o like ‘ole ma ka lā 15 o Iune, 2006, a ho‘onui ‘ia i ka lā 26 o ‘Aukake, 2016, ma lalo o ke Kānāwai Kumuwaiwai Kahiko. Ua helu ‘ia ‘o ia ko ‘Amelika Wahi Ho‘oilina Honua kūlohelohe a mo‘omeheu mua i ka makahiki 2010.

Ho‘okele like ‘ia ke Kīaho‘omana‘o e ‘ehā hoa kahu waiwai: ke Ke‘ena ‘Oihana Kālepa ma o ko ka Papa Luna Ho‘okele Moana a Lewapuni Aupuni Ke‘ena Wahi Kanāho Kai Aupuni a me ke Ke‘ena Māhele Mokupuni Pākīpika o ka ‘Oihana Lawai‘a Kai Pekelala; ka ‘Oihana Kūloko o ‘Amelika ma o ka ‘Ōnaehana ‘Āina Ho‘omalū Holoholona Lōhiu Aupuni o ka ‘Oihana I‘a me ka Holoholona Lōhiu o ‘Amelika a me ke Ke‘ena I‘a me ka Holoholona Lōhiu o nā Mokupuni Pākīpika; ka Moku‘āina ‘o Hawai‘i ma o ka Mokuna o nā Kumuwaiwai Kai a me ka Mokuna o ka Ululā‘au a me ka Holoholona Lōhiu o ka ‘Oihana o nā ‘Āina a me nā Kumuwaiwai Kūlohelohe; a me ke Ke‘ena Kuleana Hawai‘i.

Ho‘okele like ua mau hoa kahu waiwai lā i ke Kīaho‘omana‘o e ho‘omalū ai i nā kaiaola mai nā piko mauna mokupuni i nā ‘āpapa kai kohola i ke kai hohonu, a me nā kumuwaiwai mo‘omeheu ‘ē a‘e o ke Kīaho‘omana‘o.

E MĀKA‘IKA‘I MAI

Kikowaena Kaunānā ‘o Mokupāpapa i Hilo e a‘o ai no Papahānaumokuākea

Hale Hō‘ike‘ike I‘a o Waikīkī i Honolulu e nānā ai i kekahi o nā i‘a a me nā ‘āko‘ako‘a kū kahi o Papahānaumokuākea

Hale Hō‘ike‘ike o Kamehameha e nānā ai i kekahi mau ki‘i pōhaku no Mokumanamana mai

Kikowaena Kai o Maui i Mā‘alaea e nanea ai i ka hō‘ike‘ike Papahānaumokuākea he mau ki‘i nani e kālele ana ma luna o nā hi‘ohi‘ona kū kahi o Papahānaumokuākea

Hale Hō‘ike‘ike ‘Ō Koholā o Nantucket i Masakuseta e makahi‘o ai i nā koehana mai ka moku ‘ō koholā ‘o Two Brothers i ili i ka ‘āpapa ma nā Hāpapa ‘o Lalo (French Frigate Shoals)

No ka ‘ike e pili ana i ka palapala ‘ae noi‘i, ho‘ona‘auao, ka ho‘omalūō a me ka ho‘okele ‘ana, a me nā hana ku‘una ‘Ōiwi Hawai‘i a hana kai kūikawā paha i loko o ke Kīaho‘omana‘o, e komo i

www.papahanaumokuakea.gov

NĀ KĀKO‘O

‘Ahahui Wahi Kanāho Kai Aupuni
www.marinesanctuary.org

Nā Hoaaloha o ka ‘Āina Ho‘omalū Aupuni o ka Pae ‘Āina ‘o Hawai‘i
www.friendsofhawaiianislands.org

Nā Hoaaloha o Midway Atoll
www.friendsofmidway.org

‘Ahahui Maluō o Kure Atoll
kureatollconservancy.org



Na Mark Sullivan/NOAA ke Ki‘i ‘Ili

Kiaho‘omana‘o Kai Aupuni ‘o PAPAĤANAUMOKUĀKEA



